

## مرثية الولد المفتون

شعر شاكِر المغربي

إصدارات الرواد - العدد 59 - 2000



المدير العام  
مجدى أمين عريض

رئيس التحرير  
سمير الفيل


أمين عام النشر  
محمد العنتر

مدير التحرير  
ناصر العزبى

مستشار التحرير

مصطفى العايدى  
محمد علوش

---



إهدأ

للبنات

اللى براهن على براعتها  
.. ونظرتها بترعبنى

ولأسمى

جائز تفهمنى

شاكرا المغربى



## مدخل

وانا لستَ صغيرٌ  
بلعب في الحارة اللسه وجرى  
كان كل عيال الحارة بيحروا ورايا  
ففصلت أجرى  
لا انا قادر أوقفنى  
ولا لاقى الأميه





## شيزوفرينيا

[ ١ ]

عارف

وانا لسه يادوب حخرج م البيت  
وبحاول أفوق م الحلم قابلتك  
في عنيك ضحكايه غريبه  
ماقدرش أضحكها ونفسي  
عارف  
من كل النار اللي في قلبي حسدتك  
أزاي البنت ولاء وعبير وصهيله  
بيجروا وراك  
وانا نفسي في بنت وحيده ومش قادر  
مع إن مافيش فرق ما بينا  
غير إنك سافل وخبيث  
أمبارح شفتك  
قاعد ع القهوة بتلعب طاولة ..

.. وسجارتك محشية ببانجو  
ولأنك جبت الدش  
فى أول مرة بتضحك  
والواد اللي قصادك متغاض  
فحاولت أصحى بسرعة  
قبل ما تقلب بخناق  
ويبدأ مفعول البانجو يهزك فتخرف  
تحكيلهم عنى / وعن ضعفى ..  
.. مع البنات اللي فى آخر الشارع  
واللى مباحش تسمع شعر  
ولما سقط فى ثانوى  
قفلت شباكها  
وبدأت الملح دمعنها بتتسرب  
من بين فتحات الشيش  
عارف  
لو كنت معاك  
كان فاتنى دخلتك  
وشربت سجارة البانجو بدالك

سببه نايم  
 نبشك في جرحى ضعف منك  
 ماتقولش إنك جزء منى  
 لا ف يوم فرحت  
 ولا يوم بكيت  
 ولا يوم لمحت في نظرتك إحساس بحد  
 ماقدرش أكونك  
 ولا يمكن أنك تبقى سرى  
 أو يوم تحس بطعم مرى  
 طول ما انت حاضن رغبته في الموت  
 نبشك في جرحى ضعف منك  
 يا بدون تاريخ  
 لو يوم تميل أو تتكسر  
 تسند عليه



## رومانسية

فجأه  
حسيت إن انا دايع وأديّه ببتتهز  
وكان دى أول مرة هقابل بنت  
يمكن علشان مش عارف  
لما أحصلها أكلمها  
ولا أستنى تكلمنى وتسألنى هتعمل إيه  
حتروح الجيش ولا تكمل تعليمك  
ويمكن تبقى رومانسية لدرجة كبيره  
وتقولى بحبك حسنتى والشوق والليل  
وكفايه إنك تبقى فاكرنى

مش عارف  
يمكن أكون بتهرب من حب البنات اللي  
في آخر الشارع  
أو خايف لوحد لمحنى فيحكى لآخوها  
لفت وشها وابتسمت  
حسيت ووجد إني مدغدغ  
وان دماغى بقيت نصين  
كان لازم أهرب  
واعمل إني ببسبس للقطه ..  
.. اللي بتلحس شعر ولادها  
واضحك على صاحبي  
واقوله إن انا خدت ميعاد

## وفجأه لقيتنى مفيش

كان قاعد جنب الجورة مدمع  
م البصله اللي أكلها  
يصبر نفسه لبعد الظهر  
وبيخلم  
إنه يلاقى فى ميه سمك إمبارح  
سمكة تكون أمه  
لما أبوه إمبارح زعق فىن الأكل  
وقعت منها

وانا شايفه  
مذارى ومرعوب من أبوه  
اللى بيضرب أمه ليلاى  
ويسب ويلعن فى العيشه

مستنى أبوه يخرج م الحارة  
علشان يلعب ويا صاحبه  
ولما هيكبر  
راح يكتب شعر ويتجنن  
ويقول أفكار لكل الناس  
ويقول الناس مش فهمانى  
ويحب البنات الللى مش من بلده  
بس بقالها سنين وياه  
لحد ما دخلت جو عروقه  
ولقت بوصلة فكره عليها  
والبنات هتتهرب منه  
مين عارف بكرة هيبقى ازاي  
ويمكن تبقى الحلم الجاي  
أحلامها كتيرة  
وهو الحلم الواحد عنده تبقى أميرة  
ولما هتزهق منه تقوله  
أنا حبيب  
بس مش انت



هبحس إن الكون بقى ضيق  
أضيق من جلابية أبوه  
اللى ورثها وولع فيها  
وهيقعد فى الأوضه المعزولة ويكتب  
شافيه  
مذارى ومرعوب من أبوه  
أو .. ..  
كان فى الأوضه كتاب ومراية  
وكان فيه واد مولود ويايا  
كان بيخدنى القهوة الصبح  
يطلب نكته وأطلب شاي  
كان بيقلب فى الجرنان  
وبعد ما يقرى البخت يسييه  
كان بيسبنى ويا بيكاسو ..  
.. ورامبو والبيوت والأحلام  
ويغرق جو اللحظة الصافيه  
ويا النكته والقفشات

كان فيه واد مولود ويأيا  
مقسّم قلبه شقق مفروشه  
وغاوى يسكن فيها بنات  
إلا البنت اللي انا مش عارف  
ملكّت قلبي إزاي بالحب !!  
صحيت الصبح  
رحت القهوه وقلت سبقتي  
طلبت الشاي وقعدت استنى  
ولسه مجاش

و .. ..

علشان بلقاني ساعات بتغير من جواي  
واتمنى أرجع عيل تاني  
أصرخ تحت المطر بفرحه  
ونشوة قلب برىء  
وانا عارف  
إن امي هتزعل  
وابويه هيضرب ..

.. ويذنبني لحد المغرب وأنا مبلول  
أرجع ماقدرش أتحدى  
واصرخ تحت المطره وأضحك  
واسرق قلم الواد إسلام فى الفسحه  
وأضحك  
لما ألقاه بيدور وبيسألنى ..  
.. وأنا بالذات على قلمه أضحك  
وأسمع سورة الناس للأبله بشوق  
لسقفة كل الفصل عشانى  
اللى بترفع قوى من شانى  
لما أحكيها لكل عيال الحارة العصر  
واضحك  
واقعد ويا جارتنا فى أوضة النوم  
أضحك

لما تبوسنى أو تحضنى أضحك  
علشان فاهمه إن انا مش عارف  
إن دا شوق للفارس  
اللى أتأخر قوى ونساها  
آآه ... أبكى  
فجاه  
وأنا قاعد فى الأوضه وبكتب  
ملقنتيش  
فخرجت أجرى ورايا أندھلى  
لقيتنى مفيش

## حبّة فضفضة

إلى الشاعر الجميل ضاحى عبد السلام

مين قالك تسكن مشاعرنا ؟  
وتعلق قلبى فى سقف مشاعرى  
الوخدانى لحد عينيك التايه دموعك فيها  
وفيها بلاقى جروحي وروحي العطشانه  
للحظة بوح أو نوح وتروح مدبوح  
فتشكشك قلبى بأحزانك  
مين قالك تسكن مشاعرنا ؟  
مين قالك تدخل ويّايا فى جوابيا  
وتملانى كلام بسلام وحروفه مشارط  
بنشق فى نى القلب بحنيه  
وترسم للحزن خرايط

مين قالك تدخل جوايا ؟  
لا  
مين قالك ان انا رافض انك تدخل جوايا  
أدخل  
هفتحك بابي على الآخر واتاخر  
لملايكة شعرك أو شياطينه  
ما انا أصلى بحب الشعر  
اللى انا راضع منه ومخلوق من طينه  
أدخل  
ويقولها وكل الناس شاهدين على قولى  
أهلا وسهلا مرحبا بالشعر والخولى  
اللى بيزرع جو قلبي وردتين  
مع ناي وحبّة فضفضه وحنين  
اللى بيرشق سهمه فى الجرح  
اللى نايم يفرعه  
يفجر قصايد عاشها كل المجروحين

## سراب

لا

لو قلت

إن البنت الواقفة قصائدك مش بتحبك  
وبترقص إنك تكتب فيها قصائد شعر  
إيه راج بجرى ؟  
هتسبب أصحابك

وأنتو في براءة نظرتها وهمس عندها  
هتقول إن الليل رجليه وجعاه ..  
.. ومشواره طويل وتفكر فيها

هتحب البنت

ورغم البنت شعورها خريف  
هتشيل على ضهرك همك وبراءة  
حلمك وتطوف

مجنون / مجنون وسيزيف  
بتنفذ على نفسك وبنفسك حد الزيف  
وبتروى فى رمله ..  
.. بتسحب كل مشاعرك تملك  
تخاريف  
من أول هند لحد البننت ..  
.. اللي فى آخر الشارع  
من أول مابدات تحمل قلبك ..  
.. أو هام ومواجه  
متقولش إن الناس مجنونه ومش فهماك  
ولا تلعن فى الشوق والليل ..  
.. وعيون البننت عشان رفضاك  
أتهجى فى حلمك م الأول تلقاك  
وتهعرف إنك عمرك ما هتبقى ملاك  
وتهسأل نفسك إيه راح يجرى  
لو إن البننت الواقفه قصادى  
سراب



## صديق

الى الصديق والفاصل فوري حذاف

عارف

لما بحس انى بقيت الآخر  
وانى حترشق من كتر الحزن بروح  
أدخل حواديت الجابري أتوه  
واستى لحد الشمس ما تطلع  
فاتغطى بضعفى وانام

أو

أتخيل إن أنا وبأك بتمشى  
أحكلك عن خيريه وجوابتها  
وعن مروه اللي بتقرا الجوبات  
وتخش أوضتها تعيط  
عن نورا العناديه  
اللى بتحض فستان العيد ببراءه  
أحكلك

ع اللحظة اللي بحس إنها أقرب جداً  
من انى أتشعبط فى الحلم  
اللحظه اللي بحاول قبل ماتيجى  
أرسم تفاصيل الجرح

الجرح اللي بينزف جوّ القلب صديد  
أحكبك  
ع البنّت  
اللي انا خايف قوى من بكره عليها  
والبنّت  
اللي انا خايف لتكون كرهاني بجد  
م الناس منّي  
ما انا حاسس إن انا بكرهني  
واتمنى اللحظة تجيني عشان أنساني  
لحظة ما ألمح كل الدنيا سراب  
والناس أشباح زعلانه عشاني  
لأ  
مين دا اللي هيزعل !؟  
مين دا اللي هيزعل على واحد مات  
من غير ما يحقق حلمه  
من غير ما يقول للبنّت بحبك  
وبيحرق حلمه بقولة آه  
آآآه  
الكل يا صاحبي  
هينساه

## ليلي

إلى الشاعر الكبير محمد العتر

سوق الهبل  
فارشين بضاعته ع الرصيف  
دور ونقى إشتري  
سوق الهبل  
أفتح بيان الفنتنزة  
يخرجلك المجنون في عينه مية سؤال  
ليه إنت كانت ليلي في عينك ممكنه ؟  
من إمتى كانت ليلي في عينها إحتمال ؟  
خبط على باب المسافة ما بين عنينا  
ونظرتك  
تلقاك سراب  
بس ليلي مش بتحلم بالعطش  
مين اللي قال عن ليلي لحن وأغنية  
ليلي بداية نرف جرحك والصديد  
ليلي بتخزي وتختشي  
ليلي اللي تفكير بليد

حبّبت تدارى جرحها  
شقت حلوق العطشانيين  
نشفت في إيدنا الخضرة  
صبحت ناي حزين  
نشفت في إيدنا الخضرة ياعتر  
وخلص  
نشفت في إيدنا الخضرة  
واحنا المجروحين  
ملعونه ليلي  
ملعونه ليلي ودمعتي ملعونه  
ملعونه ليلي لو نسميها الوطن

## ريحة المطر

ريحة المطر  
ريحة الميلاد والموت  
ريحة خطر  
طلّ الشتاء  
وهلة ريحته من بعيد  
ريحة براءة ضحكتي  
ريحة دموعي لما بقي وحيد  
طلّ الشتاء  
وياخوفي لاكره طلته  
خايف نتوه عن حضني أيامي  
وتدفي في حضن ناس ثانيه  
فتسرق مني أحلامي  
سنين الوحده والسقعه في ليلة شتا

خايف سحابه تدارى عن عين القمر  
أو تدبح الشمس  
اللى بحلم بيها قبل ما تتولد  
البرق يخطف نظرتى  
والرعد يحبس صرختى  
وتهدنى ريحة المطر  
طلّ الشتاء  
خايف قوى من طلته  
وبخاف قوى ما بجيش

## سطوة

خامس سيجاره  
وأديّه رافضه تحط كلمه على الورق  
خامس سيجاره  
حاسس مشاعري بتتحرق  
هو انت مين؟!  
لا انت أعلى من الكلام  
ولا انت أجمل من خلق  
ولا انت علشان البعيده؟  
إحساس مئى بيتسرق  
فى اسكندريه ارتحتك  
وفى مصر كان نفسى فى عنيك  
يحضنى إحساسها الغريق

هو انت نار ؟  
ان قلت لا  
طب ليه فتحت القلب  
من بعد ما قفلته بحديد  
ودخلت جو زرعت قلب جديد  
فراشه بتتحرق  
وان قلت آه  
مش هاقدر امنع سطوتك



## سبني أفكر

سبني أفكر بهدوء  
ولما حُسن إني وصلت لحل  
هكتبه على ورقه وولع فيها  
علشان مش عايز أدبك فرصة  
تموت من غيري  
ولو كنت مصر  
هسقيك حبة شعر

أو غنوة قديمه  
عن بنت بتضحك ضحكه تهزك  
وبعد ما بتعدى عليها  
فى أقرب حته بتقعد  
تفتكر المواعيد اللي انت رايحها  
واللى انت كاتيبها فى نوتة  
عشان ما تتوهش  
ولو لسته مصمم  
حسمحك تطلع نذل  
وتعملها لوحك  
وتسبنى أفكر بهدوء

## نوم

كل دا تأخير ؟  
مش عايزه  
وعشان مش عايزه أكيد حيجيلي  
وانا قاعد بكتب شعر  
أو بسأل أخويا عن الحب فيضحك  
ويقولى بنكتب ليه  
إيه فائدة شعرك يا متقف  
لو كنت انا بالذات مش فاهمه  
والناس ع القهوة يادوب سامعين  
ورغم انى صحيح هتغاظ  
مضطر أرحب بيه  
عشان إتهرب من إقناع عقلية أخويه  
بفائدة شعري  
أو أهرب م السطر اللي محيرنى  
فى نص قصيدتى  
ولو كان الرز بمش



## ایزیس

[ ١ ]

أنا قلبی کان عیّل صغیر  
مع إته کان عاشق نبی  
شدّاه عینین صافیہ وبریئہ  
وبشوفها حاسّہ بمطلبی  
أنا قلبی کان عیّل صغیر  
مع إته کان عاشق نبی  
مصلوب علی صمت ووجع بینز خوف  
والشوق سؤال  
أنا قلبی کان عاشق نبی  
ولا ؟  
أنا قلبی کان عیّل صغیر

[ ٢ ]

وآمنت بانی مخلص کل العشاق  
وآمنت بانی فداء  
وصلبت القلب علی براءة مبروک

لكن العشاق اتكاتفوا وقالوا  
اتكاتفوا وقالوا  
اتكاتفوا وقالوا  
فلقيتني يادوب صعلوك  
أنا قلبي كان عاشق .....

[ ٣ ]

البنّت إيزيس ماكنتش بتدى وتاخذ  
زى بنات الحاره  
البنّت إيزيس بتشد  
البنّت إيزيس سنّاره  
صباهه وطالبه أمير  
ع السدر يكون مصلوب  
البنّت إيزيس ع السلم حسّت  
حسّيت  
ع السلم غنّت / وبكيت  
البنّت إيزيس بتقوت  
أنا قلبي عيّ صغير

## شرح

الليل والحرّ وعيون لمياء  
هيجان في الصدر وسرير مسامير  
وحكاية قديمه  
عن واد بيحب البنّت  
والبنّت كمان حبّاه  
كأت لسه يادوب بتفك الخط في أنوثتها  
وبتزرع في عيون الناس رغبتهم فيها  
كان قاعد فرحان  
بيغنى حروف جواباتها النونو  
( لما بشوفك بيقشعر جسمي واتوه  
ماعرفش أنا بعمل إيه )

كان نفسي أبوسك في الفصل  
ياااه  
مروشة يابت وهيلاه  
في غيابك ما ينمش  
ويمشى يكلم نفسه وأمه تقول عيان  
كان حاضن أحلامه ونعسان  
دندنة الكروان في الفجر  
زقزقة العصافير الصبح  
مريلته الصفرا وشنطه قماش  
وكتاب مقطوع وعليه قلبين  
- ( كان نفسي أبوسك في الفصل ) -  
كانت بتزوق أحلامها بإحساسها ..  
بان الدنيا أبسط من لمسة إيد الواد للبننت



كان يـحب عـنـيـها وبـسـمـتـها  
وتفـاصـل حـكاياـتـها كـلامـها النـونـو  
كان عـشمـه فـى بـكره  
وبـيـكره يـوم ما تـغـيـب  
وفى الأبله  
اللى كـلامـها كـثـير وجـابـتلـه صـداـع  
كـانـت حـبـاه  
وبـتـحـكى لـكـل بـنـات الحـارـه أـزـاى شـيـفـاه  
الله  
فارس وأميره  
شاعر وقصيده  
وملايكه الناس وسعيده  
مجنونه بالحظه ما بتحلم  
ويا بكره جبان

فرسين هاجبين وحاضنهم سدر البنت  
وفيران بتتط في عبّ الواد  
أحاسيس بتفور وتهزّ كيانه  
في عيون شبكات وكلام صياد  
وف لحظة  
كان لسه بيحلم بعنيها وبسمتها  
وتفاصيل حكاياتها كلامها النونو  
كانت أحلامها  
انفدغت تحت سنايك خيل الجاي  
كان أصبح حلم قديم  
مركون على رف إمبارح  
فانشرخت أحلامه  
بشهادة وشقة وشبكة وتفاصيل دبّاحه  
ملعونة ياقطمة تفاحه  
مجنونة بالحنة ما بنحلم  
ويا بكره جبان  
وعنيك جراحه

## طراطيش

وبينهم بساعاته الوقت في حلمي  
لا انا قادر اداوى جروح الروح  
ولا قادر اصفيك من دمي

غلطان ياقرص الأسبرين  
لو يوم دويتها من الصداع  
ورسمتها جواك بريئه  
ورموش رقيقه  
ونظرة ما بتعرف خداع  
غلطان يا قرص الأسبرين

كيلو باميه ماكنت انا  
القطه عاميه ما كنت انا  
وماكنش غير احساسها بغرور ضدنا  
معجون ياليل الأسئلة بسكة سفر  
لعيون بتهرب م الإجابة وهمنا  
كيلو باميه ماكنت انا  
القطه عاميه ما كنت انا  
القطه عاميه  
عشان كده أكلت ولادها  
وليس ع الأعمى سؤال مننا

## الحلم الناشف

الدنيا خلاص  
ماعدتش بتضحك زى الأول تخدعنى  
الدنيا خلاص  
اتضححت فيها معالم بكره الغامق  
وال فاضل مئى  
ومن إحساسى باني برىء أفسرّب  
قلبي أتكهرب  
لما اتمس بلحظة شوق كذابه  
الدنيا سحابه  
لا هي عايزة تمطر تروى الحلم  
الناشف فى ملامحى  
ولا راضيه تبين لحظة شمس  
مش قادره تحسّ  
إن الواقع دبلان ..  
.. يتشوق على بكره جميل  
بيموت  
مش قادره تحسّ



## حلم اللقا

أنشبتك واتلخبطت كل الحروف  
لحظة ما قلبى قال بحبك  
أتولد جوايا خوف  
ودخلت جو الشرنقه  
أغزل على جبين الهوى  
حلم اللقا  
أغزل قصايد عن جمالك وانبهارى  
واشتعالى لما اشوفك فى المنام  
أغزل كسوفك  
جو توب العفه  
أغزل حسرتى

ما أنا أصلي ما قدرش ابتعد  
خارج حدود الشرقة  
ولا حتى قادر أكلك  
خايف  
خايف عنك تصدني  
أو حتى ما قدرش أسعدك  
وبحاول أقتل جو قلبي الخوف  
ولازم مقتله  
وساعتها هو صفك مشاعري  
واحصد جنابن لهفتي  
واهديك شعري



## كانت عنيه مغمضين

ومين صحاك ؟  
ما كنت خلاص نسيت احلم  
بما خايف ليتحقق  
أو اخسرنى أنا وذاتى  
ومين قالك تقوم تدخل حواديتى  
ومين دلك على سرى / ولون مرى  
يا حلمى يا اللى متخبي فى جواتى  
ما كنت خلاص نسيت احلم  
وكانت أمى تستغرب  
ورثت الصمت دا من مين ؟!  
وكانت صرختك سكين  
شق الفضا فيض فضفضه  
لحظة ما لمح النور عنيك المققولين  
وكان الرد فى سؤلها  
كانت عنيه مغمضين  
ولأنه كان الكون ملايكه  
لابد كان ابليس هناك

رافض يكون أبداً ملاك  
قطعوا الوريد  
فانشق قلبي سكتين  
سكه شيطان مزروع في روعي  
زارع ما بيني وبين حلاوة ضمتك  
أشواك  
والثانيه كانت وردتين  
ورده عيبرها زقزقه في القلب  
وورده كانت ليل برىء  
قلبي الجرىء  
كان بيرويهم حنيني ورغبتى في الفوق  
وكنت خلاص نسيت احلم  
وصار قلبي برىء منك  
فمين صحاك  
وليه يا حلم هزنتى ؟ ووزنتى  
أدخل دروب الزقزقه والطير  
أنا قلبي كان خايف يعيشك  
أو يدخلك مشاوير  
فليه يا حلم صحتتى  
ومين صحاك ؟

## مرثية الولد المفتون

مدخل

أتبعثرت منى السنين  
على سكة الحلم البعيد  
لا لاقى للسكة نهايه  
ولا انا قادر احلم بالرجوع  
قال الولد المفتون بنار الوقت  
لى أن أعيش / أغنى  
ليه ؟  
دانا كنت بعشق فى ابتسامته  
بكره وامبارح  
أنا كنت بعشق نظرتة  
وقلبى كان بيغنى وبيرقص  
على صفو صوته وضحكته  
ليه ؟

قال الولد المفتون بماء الموت  
للصدقة فلسفة ولي  
لى أن أغير تاريخ ذاتي  
لى أن أموت

الصدفه زى النار والنار  
مليها الحطب

عصفور ندانى وطار  
وانا قلبي مئى اتسلب  
بالصدفه جاني الولد  
عيشنى على غنوته

بالصدفه سابنى ومات  
ياهل ترى برغبته

قال الولد المفتون بليل الحارة  
حين يغنى للبننت الجنية والولد المفتون  
أحب  
أحبك فأحب البننت  
فهل للبننت بنت .. واندثر ..

بعد ما مات هتغنى كلامه  
وتسميه فى الشوق درويش  
هتحاول تدخل أحلامه  
بعد ما مات هتلم الريش  
لو كان حسن فى يوم بحننها  
أو بأننينها  
كان هيعيش .. ؟

ذات مساء  
كان الولد المفتون يغنى  
قلبك مقبرة  
قلبك مقبرة والقتلى عشاق  
والبنت الجنية لا تسمع  
ذات مساء

الموت علينا حق  
لو كنا يوم عايشين  
بصرخ واقولها لأ  
رايح ياموت على فين  
ياتاخذني وأبقى معها  
ياتسييه بسّ يومين  
.. جايز ..  
ويمكن ..  
ربما .. !

## مرايات

مرايات بتحلف إن حلمى أقوى من  
الوجع الثقيل  
مرايات بتعكسلى المشاعر بلبله  
وتحطنى على أوّل الليل والسؤال  
أحلام بتتكسر  
وقزاز بيرشق فى الفؤاد

ماعرفش ليه ؟!  
أنا نفسى أكتب بكره أحلى من النهارده  
ماعرفش ليه كان يوليه قاسى ؟!  
يوليه اللى علمنى البكا  
وحدفنى فى المسافات ولد  
أنا ليه بتخدعنى المسافة  
وكل ما امشى فى سكه اتوه

أنا ليه بتووه !!  
مع إني عارف م البدايه  
إن السكك دى خيَّتي  
من عند بوليه وصرختي  
ولد  
كل الولد أسئلته  
والوقت مش إجابات  
والليل بيغرش ع السكك حكايات  
ياوقت ليه بتغنى للنار والوجع  
وبتعشق التووه  
ياوقت ليه ؟  
الغنوه مش ضد البكا  
وبكاي حافظ ملامحي  
ولد  
زغروته ياهل البيت  
ولد  
نفس السؤال  
كان زى بقعة دم ..  
.. فوق زى البنات الابيض



كان زى ريحة البنج  
أو زى نور مهزوز  
فى آخر طرقه ضلمه  
هتغيب يا بكره كثير ؟  
الذكرى نايمه فى أوضه ضلمه  
سبباني فى الليل الغبي  
هتغيب يا بكره كثير ؟  
نفس السؤال  
كان لحم أحمر طرى  
بيقوله فى الصرخه  
ولد  
زغروته يا اهل البيت  
ولد  
كل الولد أسئلته  
والوقت مش إجابات  
كات بنت واقفه الصبح فى الشباك  
بتفرد شعرها  
شعرايه وقعت خدها واد  
سماها ذكرى وحطها وسط الورق

كان صوتى يبلىم بالغنوه  
لا  
أنا كنت خلاص أتهجيت الحلم  
ورسمت الجى براءه وطيران وشموس  
ولقيتها بترسم فى الجى مسافه  
وتشكل فى عنيتها طريق  
لا أنا قادر أخطى ولا قادر أفوق  
فاتت منين  
فتح الولد صندوق قديم ملقش ورق  
كان بس فيه شعرايه  
ملفوفه زى المشنقه  
زغروته يا اهل البيت  
حسبت ساعاتها إني ابتديت أكره  
حاجات  
وأحب غيرها  
مع إني كنت بحب دايما كل حاجه  
وكنت دايما بتسند  
على حبي للحاجه القنيمه

ولقيتني فجاء بدون حبيبته  
أو حتى حلم يخلصني  
مالقيتش إلا جرح واحد لسه فاكروه  
وخايف أفتحله الطريق ليهزني  
وكأن جوايا اتولد  
واحد قديم  
خايف عليه وأنا باكرهه  
ماعرفش ليه  
كل الولد أسئلته  
ولد  
كان ضلي ولا النور  
الشمس واقفه هناك  
في ركن اللوحه بتصبح عليه  
إيه اللي خلى اللوحه نار  
كل الجهات طرحت سواد  
إيه اتسرق ؟  
كان ضلي ولا النور  
ولد

ما عرفش ليه  
مش عايز اخرج من هنا  
مع إني عارف كل أسباب الخروج  
وان دا الحلم الأخير  
لكنى خايف بترعش  
جوايا شيء  
مشى لاقى كلمه تليق عليه  
ولا لاقى أسم أقوله بيه  
كل اللي بيدغدغ فى ذاتى  
كل اللي حاسه  
إنه بيدغدغ فى ذاتى  
زغروته يا اهل البيت  
نظرة برىء للمشنقه  
لحظة صدور الحكم موت  
الموت سؤال ولا الإجابة  
أحلام بتتكسر  
وقزاز بيرشق فى الفؤاد  
يلونى بلون الغربه والمسافات

ورقصة الورده اللى دبلى  
وانغرس شوكتها فى ملامحى  
كأنى بقيت بلا معنى  
بلا إحساس بلون الفرحه  
حين ترقص فى أحلامى  
وكل ما تشتهى الطيران فراشة رغبته  
يدغدها القلق  
الموت سؤال ولا الإجابة  
زغروته يا اهل البيت



## مرثية الولد المفتون ٢

ألم .....؟! ..  
ألم أشرح وجع قلبي  
وأبوح بالخوف من الذكرى  
وإحساسي برعشة إيدي  
حين تمسك قلم  
ألم .....؟

بحلم بمطلع قصيده  
تشهد باني البريء  
وانك جسيم للاحتمال  
والشك والأسئلة  
وان الإجابة مفيش  
بحلم بمطلع قصيده  
تشهد باني الولد

وانى الوحيد اللي باقى  
ورغم الحناجر شراقي  
لسانى بطرح غنا  
بحلم ويحلم أنا  
النوم بيتهجى فى عنيه  
والشمس غرقانه فى حليب الصبح  
والفوقان  
الخوف بيكتبنى حروف دبلانه  
ويرسمنى بلون الصمت فى الحواديت  
كل البلاد تشبه بلدنا  
كل البلاد حواديت وناس  
والبنات دى عارفه الحكايه  
كل البنات عواجز بتحكى  
كان فيه ولد عاشق صبيه  
كان فيه ولد مجنون صبيه  
درويش ويبحب الغنا  
دائما بيسأل مين أنا



أول غناويه البراءه  
وأجمل غناويه اللقا  
كان فيه ولد / شاعر  
بيرسوم بالحروف أحلام  
طواف ومليان بالسكك  
وبيكره المسافات  
ساكنه النبوءة فى نظرتة وف رعشته  
لحظة دخول الليل  
( الضى معجون باحتمال  
والجى مزروع أسئلته )  
كان فيه ولد  
وصببة ملبانه بمفیش  
عارفه الحكايه وخايفه تحكى  
خايفه الطريق يطرح شجن  
لا هتقبله  
ولا يقدر الدرويش يزيله

كان فيه صبيّه  
كانت صبيّه  
دلوقتي وبصوتها العجوز  
بتعوز تقول  
كان فيه ولد  
درويش وبحب الغنا  
وصبيّه مليانه بمغيش

## ياسمين

[١]

أوقات بخاف منك عليك  
أوقات بلاقى الخوف عليك  
وساعات بخاف من نفسى فيك  
لكنى لأول مره  
بجسّ بياضك من جوّه  
وكانى لأول مره بحسّك  
وكانى لأول مره بحسّك  
إحساسى بطيبتك  
يشبه إحساسى بطيبة البنّت  
يشبه إحساسى  
اللى انا خايف لتصدقنى  
وكانى لأول مره بشوفك  
مكشوف  
وبشوف فى عنيك البنى أدمين  
ياسمين

والبنت اللي في آخر الشارع  
والولد اللي في عز النور  
والضلمه بتخفق عينه  
وانا  
وكأني لأول مرة بشوفني  
" عصفور كناريا بينديج "

[٢]

أوقات بحسّ إن ابتسامتك عجزت  
وان ابتسامتي بلون عنيك  
وان المسافه بتنتهي بنفس السؤال  
ليه الزمن يبدأ بـ فين ؟  
والمكان يبدأ بـ أمتي ؟  
وترقلك ياسمين بكام ؟  
والقاني في نفس اللحظة بغني معاك  
ياسمين

ياسمين بتحب  
والبننت اللي في آخر الشارع بتحب  
والواد اللي في عز النور / الضلمه  
بيحلف شايف  
وانا وانت بنعشق  
أنا وانت بنعشق في الضلمه النور  
في النور الشوف  
في الشوف الجي  
والجي مالوش أحاسيس

[٣]

ساكنه القصيده في رغبتك  
وساعات بتهرب من ملامحك  
وفي لحظه بلمحها في سؤال  
هو الخلاص معناه  
بداية للانتظار ؟

ولا الكلام مقدرش يدينا المعاني  
وأكثر قصيده قريتها  
واتهزت مشاعري  
لما السؤال سرخ في وشك  
إنت مين ؟  
وليه بتملاني بياضك  
فسرقت من خوفى الإجابة  
وقلتلى  
أنا اللي مركون ع اللي كان  
واللي جى بيكسره

## سؤال

بيغريبل المسافات

على الحيات  
ومتعبى  
بشوق مفتوح على امبارح  
سؤال طارح  
داخل فى سكه مستحيل  
من فين طريقك يا اكتمال البوح  
وانا المليون وجع

## فهرست

٥	إهداء	١
٧	مدخل	٢
٩	شيزوفرينيا	٣
١٣	رومانسية	٤
١٥	وفجأة لقتلى مفيش	٥
٢١	حبة فضفضة	٦
٢٣	سراب	٧
٢٥	صديق	٨
٢٧	ليلي	٩
٢٩	ريحة المطر	١٠
٣١	سطة	١١
٣٣	سبنى افكر	١٢
٣٥	نوم	١٣
٣٧	إيزيس	١٤
٣٩	شرخ	١٥
٤٣	طرايطش	١٦
٤٥	الحلم الناشف	١٧
٤٧	حلم اللقا	١٨
٤٩	كانت عنيه مغمضة	١٩
٥١	مرثية الولد المفتون	٢٠
٥٥	مرايات	٢١
٦٣	مرثية الولد المفتون ٢	٢٢
٦٧	ياسمين	٢٣
٧١	سوال	٢٤



١	غنوة شوقياته - شعر	النبوى سلامة
٢	الخيول - شعر	سمير الفيل
٣	رؤية أخرى - قصص	محمد الشربيني
٤	شاعر الفلاحين - دراسة	كامل الدابى
٥	شبابيك - شعر	مجدى الجلال
٦	كلام للطين - شعر	محمد العتر
٧	تعالى نغنى - شعر للأطفال	محمد أبو سعده
٨	رباعيات - شعر	السيد الغواب
٩	المألوف والمحاولة - قصص	مصطفى الأسمر
١٠	صدري تسكنه غابة - شعر	فكرى العتر
١١	البحث عن عاشور الفاجى - دراسة	مصطفى كامل
١٢	مساخر يابحر - شعر	محروس الصياد
١٣	ع الرصيف - شعر	كامل الدابى
١٤	رباعيات وأغاني - شعر	السيد الغواب
١٥	أصداء من رياح العشق - شعر	مصطفى العليدى
١٦	الحمار والتوتة - شعر	السيد الغواب
١٧	حمل الزمان أكبر - شعر	عبد العزيز حبه
١٨	ورد الجنينه - شعر للأطفال	هاله المغلاوى
١٩	صيف مع سبق الإصرار - مسرح	عماد الديب
٢٠	أنا وحمارى - شعر	السيد الغواب
٢١	ورود - شعر	هالة المغلاوى
٢٢	محاكمة - شعر	السيد عامر
٢٣	رباعيات الغواب - شعر	السيد الغواب
٢٤	شعر العامية فى دمياط - شعر	مجموعة
٢٥	القصة فى دمياط - قصص	مجموعة

٢٦	انتبهوا أيها السادة للسيدات - مسرح	ناصر العزبي
٢٧	الجنين في شهره الأول - قصص	عوض عبد اليازق
٢٨	تتويج على فعل - شعر	محمد سالم مشتي
٢٩	إندهش البلتاجي فمات - رثاء	مجموعه
٣٠	قصيدة ساذجة - شعر ورثاء	د. حسام أبو صير
٣١	الحاجز البشري - قصص	فكري داود
٣٢	عنقايد - شعر	أحمد راضي
٣٣	عروس البحر - للأطفال ورثاء	حامد أبو يوسف
٣٤	أولاد البحر أولاد نوح - قصص	حلمي ياسين
٣٥	لحظة ميلاد - شعر	أحمد الشربيني
٣٦	يعرفون كيف يأتون إلينا - مسرح	ناصر العزبي
٣٧	ريحه الحنه - شعر	سمير الفيل
٣٨	حارة النفيس - راوية	محمد العنتر
٣٩	نقش له في ذاكرتي - شعر	عفت بركات
٤٠	انتفاضة ترعاها السماء - مسرح	عبد العزيز إسماعيل
٤١	مواويل دمياطية - دراما	عبد العزيز حبه
٤٢	وجوه منسية - قصص	عابد المصري
٤٣	هـارموني - شعر	ضاحي عبد السلام
	دراسات نقدية حول إبداعات دمياط	د. مجدى توفيق
	وأخرون	
٤٤	ثوب البنفسج - شعر	عثمان خليل
٤٥	أشعار للطفولة - للأطفال	محمد أبو سعده
٤٦	ناعسة وأنا - شعر	السيد عامر
٤٧	مساحة بليون الشمس - قصة	محمد شمخ
٤٨	المنتخب من باب أحوال الراعية - شعر	محمد الزكى
٤٩	ساعة العنق - شعر	سيف بدوى

٥٠	انفجار الروح - شعر	سامح الحسيني
٥١	دقات قلبي يا وطن - شعر	محمود العباسي
٥٢	تأملات نقدية - دارسة	مصطفى كامل
٥٣	مواجهات - حوارات	سمير الفيل
٥٤	شوية كلام - شعر	كامل الدابي
٥٥	نخبشة - شعر	محمد العنتر
٥٦	فارس البحر - شعر	محروس الصياد
٥٧	المدينة الجديدة - مسرح	ناصر العزبي
٥٨	ذلك البيت - قصص	حلمى ياسين

### رقم الإيداع

2000 / 3090

إصدارات الرواد

دار الصياد للطباعة ت : 329459

